

稱

謂

錄

稱謂錄卷六

福州梁章鉅撰

男恭辰校刊

子

丈夫子 史記商瞿年長無子孔子曰無憂瞿年四十後當有五丈夫子已而果然 戰國策非徒不愛子也又不愛丈夫子獨甚

男 韓愈考功員外盧君墓表男三人河南少君李公墓誌銘公之子男四人集賢院校理石君墓誌銘生男二人河東薛君墓誌銘凡四男五女此皆稱子曰

男也

兒 廣雅釋親兒子也玉篇男曰兒女曰嬰漢書外黃

令舍人兒

兒子 史記齊悼惠王世家高后兒子畜之 漢書高

帝紀鄉者夫人兒子皆以君

孩兒 書康誥傳愛養人如安孩兒 後漢書公孫述

傳孩兒老母口以萬數

晚生 晉書元帝四王傳成帝詔以小晚生奕繼東海

哀王冲 梁玉繩曰晉時呼子爲晚生故元帝於琅

邪王煥令曰晚生矇弱矣卽廢帝海西公是哀王從
孫故云小晚生

息男 曹植謝恩章詔書封臣息男

嬌兒 李義山有嬌兒詩又歐陽修詩嬌兒癡女繞翁
膝

寵子 說苑魏文侯與田子方語有兩童子衣錦而侍
於前田子方曰此君之寵子乎

保子 大戴禮上之親下也如腹心則下之親上也如
保子之見慈母也

父稱子

吾兒 楊萬里詩汝弱老官緣索米吾兒在家勉經史
子息 尸子注息小兒也東觀漢記有此我子息之語
大郎 晉書王導子悅附傳導性儉節帳下甘果爛敗
令棄之云勿使大郎知案世說注云大郎王悅也

公 天祿識餘云鼃錯父呼子爲公陸賈呼子爲公蔡
京呼子爲公蔡猶帶呼鼃陸則專呼也

對人自稱其子

小兒 楊萬里有得小兒壽俊家書詩

不肖子 孟子丹朱之不肖舜之子亦不肖

無狀子 漢書杜欽傳杜業爲函谷關都尉會定陵侯

長有罪當就國長舅紅陽侯立與業書曰誠哀老姊
垂白隨無狀子出關注無狀猶言不肖

賤息 史趙世家曰賤息

弱息 南史周盤龍傳小人弱息當得一子

糞土息 表異錄說苑自稱子曰糞土息

稱人之子

郎君 鏡源遺照集吳斗南曰漢制二千石以上得任

其子爲郎故謂人之子弟曰郎君

小郎君 碑版廣例東魏敬史君碑稱太守敬忻之子
爲小郎君

令郎君 古詩直說太守家有此令郎君

郎子 北史暴顯傳顯幼時兒一沙門指之曰此郎子
好相表大必爲良將貴極人臣語終失之

賢郎 世說補寇萊公七歲詠華山詩云只有天在上
更無山與齊其師謂其父曰賢郎聲口不凡他年怎
不作宰相

令嗣 册府元龜昭宗乾甯二年以大理卿李炯爲黔
中宣慰使李國朝名相之令嗣也 黃庭堅答晦夫
書向見令嗣眉目明秀

令似 王銍默記劉原父就省試父立之止以候榜郡
守曰雖令似才俊豈可預料 案詩以似以續令似
當本此耳

賢子 世說王僕射謂柳世隆曰賢子俱有盛才 魏
武帝與楊文先書足下賢子恃蒙父之勢

良子 漢書杜欽傳贊曰張湯杜周列於酷吏而俱有

良子

令子

李商隱詩過庭多令子

南史任昉傳褚彥回

謂遙曰聞卿有令子案遙昉父名又案碑版廣例宏
農楊氏傷子辭曰子有令子儉衣削食是己之子亦
稱令子

壤子

漢書鄒陽傳壤子王梁代晉灼曰楊雄方言梁

益之間所愛謂其肥盛曰壤

爭子

孝經父有爭子則身不陷於不義

食子

收子 左文元年傳王使內史叔服來會葬公

孫敖聞其能相人也見其二子焉曰穀也食子難也
收子鄒陽書食子奉祀養者收子殯葬者

克家子 金史世宗紀譬之農家種田商人營財但能
不墜父業卽爲克家子

不凡子 汝南先賢傳薛勤爲郡功曹陳仲舉年十五
爲父賫書詣勤勤顧而異之明日勤造焉仲舉父出
迓勤曰足下有不凡子吾來候之不從卿也

跨竈 天祿識餘海客日談曰馬前蹄內有二空處名
竈門馬之良者後蹄印地之迹反在前蹄印地之前

故名跨竈言後步趨過前步也又謂竈上有金金從父跨竈則越父矣合二說乃言賢子也

瓜子 黎愧曾仁恕堂筆記甘州人謂不慧之子曰瓜子殊不解所謂後讀唐書賀知章有子請名於上上笑曰可名之曰孚知章久乃悟上諱之曰以不慧故破孚字爲瓜子也則知瓜子之呼自唐以前已有之鬼子 暎車志盧充與崔少府女幽婚後生子抱以還充故陸士衡嘗曰鬼子敢爾

長子

長子 嫡子 儀禮喪服斬衰章父爲長子鄭注不言
嫡子通上下也亦言立嫡以長賈疏言長子通上下
則適子之號惟據大夫士不通天子諸侯亦言立嫡
以長者欲見嫡妻所生皆名適子第一子死則取適
妻所生第二長者立之亦名長子若言適子唯據第
一者若云長子通立嫡以長故也 案期服章大夫
之嫡子爲妻賈公彥謂適子之號惟據大夫士蓋本
於此然大功章又云公爲適子之長殤中殤大夫爲
適子之長殤中殤鄭注公君也諸侯大夫不降適殤

者重適也天子亦如之然則嫡子之稱亦通於天子諸侯矣

嫡妻子 梁武帝駁慈母服議制嫡妻之子無母使妾養之慈隆隆至雖均乎慈愛但嫡妻之子妾無爲母之義而深恩事重故服以小功

適 漢書五行志亂辟無適注引如淳適適子也

宗子 儀禮喪服齊衰三月章丈夫婦人爲宗子宗子之母妻注宗子繼別之後百世不遷所謂大宗也賈疏案喪服小記及大傳云繼別爲大宗又云有五世

則遷之宗小宗有四是也有百世不遷之宗繼別爲
大宗是也 案據此則宗子爲大宗長嫡非通言小
宗也與尋常之長嫡不同

宗後 曲禮則反告於宗後注宗後宗子也

宗 詩白華序以肇代宗箋肇支庶也宗適子也

冢子 禮內則冢子則太牢注冢子猶言長子通於下
也 案內則又謂冢子未食而見必執其右手適子
庶子已食而見必循其首以冢子與適子並稱則冢
子與適子亦當有別

冢嫡 唐故孝子太原郭府君墓誌銘易州府君冢嫡

冢嗣 書敘指南後姜撫長子曰冢嗣

冢息 唐書桑道茂傳李鵬爲盛唐令道茂曰君位止

此冢息而位宰相次息亦大鎮

正室 禮文王世子正室守大廟注正室適子也

義嗣 左傳吳子諸樊旣除喪將立季札季札辭曰君

義嗣也誰敢奸君注諸樊適子故曰義嗣

嗣子 禮記大夫士之子不敢自稱曰嗣子某疏此諸

侯之大夫士之子也諸侯在喪稱嗣子某臣之子避

之也

世子 儀禮賈疏世子惟據天子諸侯之子

代子 白虎通諸侯王之嫡子稱代子 案此疑唐人

避諱改之唐世宗亦稱代宗

樹子 穀梁僖九年傳無易樹子 范注樹子嫡子

案諸侯之嫡子天子命爲之嗣者曰樹子

門子 周禮春官小宗伯其正室皆謂之門子注將代

父當門者也 國語晉語育門子注門子大夫之適

子

後子 墨子君與父母妻後子死三年喪服 案後子者爲父後之子卽長子也 戰國策謂齊太子申爲後子荀子謂丹朱爲堯後並同

元子 漢豫州從事孔褒碑泰山都尉之元子又郎君 鄭固碑著君元子也

大子 儀禮賈疏案服問云君所主夫人妻大子適婦 鄭注云言妻見大夫以下亦爲此三人爲喪主也則大子下及大夫之子不通士 碑版廣例孫叔敖碑 陰世伯有六男大子字長都孝伯亦有六男大子字

惠明其下五子俱稱次第爲後來文字所罕見者

尙子 水經濁漳水注尙子卽長子之異名也

家督 史記越世家家有長子曰家督

根嗣 漢故相小史夏堪碑零陵太守之根嗣也案根嗣卽長子之稱

伯 長子也詩載芟侯主侯伯傳又白虎通伯者子最長迫近父也又左氏隱元年傳惠公元妃孟子疏嫡妻之子長者稱伯

孟 孟子 白虎通姓名庶長稱孟魯大夫孟氏是也

郎中鄭固碑君大男孟子有揚烏之才又銘詞嗟嗟
孟子苗而不毓

長庶男 史記齊悼惠王世家齊悼惠王劉肥者高祖
長庶男也

首子 史記宋微子世家微子開者殷帝乙之首子而
紂之庶兄也 淮南子主術訓齊桓公好味而易牙
烹其首子而餌之

鼻子 王應麟漢制考始生子爲鼻子 許氏說文今
俗以始生子曰鼻子是

大兒 木蘭詩阿耶無大兒 楊萬里詩大兒長孺赴
零陵

庶子

庶子 儀禮喪服期服章大夫之庶子爲適昆弟注兩
言之者適子或爲兄或爲弟賈疏此大夫之妾子故
言庶若適妻所生第二以下當直云昆弟不言庶也
云兩言之者以其適妻所生適子或長於妾子或小
於妾子

衆子 儀禮喪服期服章爲衆子注衆子者長子之弟

及妾子女子在室亦如之士謂之衆子未能遠別也
大夫則謂之庶子降之爲大功天子諸侯不服之內
則曰冢子未食而見必執其右手適子庶子已食而
見必循其首 案據此則衆子與庶子又有別

支子 儀禮喪服斬衰章傳何如而可以爲人後支子
可也賈疏支子則第二以下庶子也不言庶子云支
子者若言庶子妾子之稱言謂妾子得後人嫡妻第
二以下子不得後人是以變庶言支支者取支條之
義 案據此則支子與庶子兩稱亦有分別

餘子 尚書大傳餘子皆入學鄭注餘子猶衆子也

汲冢周書羅匡篇餘子務藝孔晁注餘衆也 左傳

餘子公行杜注嫡子之母弟也 漢書食貨志餘子

亦在於序室注引蘇林曰餘子庶子也

支庶 蘇舜欽詩君不祭臣僕父不祭支庶一作枝庶

諸子 周禮夏官諸子掌國子之倅鄭注古者周天子

之官有庶子官與周官諸子職同文 案公卿大夫

元士之適子入於成均者謂之國子諸子所掌蓋其

衆子爲國子之副貳者周以諸子名官實卽庶子之

義

別子 儀禮喪服其適夫人之次子或衆妾之子曰別子亦曰支子 禮記別子爲祖注諸侯之庶子別爲後世爲始祖也謂之別子者公子不禰先君

介子 禮記曾子問曰宗子爲士庶子爲大夫其祭也如之何孔子曰以上牲祭於宗子之家祝曰孝子某爲介子某薦其常事案謂庶子也又案海錄碎事介子次子也

孽 孽子 庶孽 書大傳孽代其宗注孽支子也說

文庶子也 孟子獨孤臣孽子 文選洞簫賦注孽

子庶子也 公羊襄二十七年傳則是臣僕庶孽之

事也注庶孽眾賤子猶樹之有孽生

支孽 史記呂后紀贊大臣蒞醢支孽芟夷

側室 春秋桓二年傳曰卿置側室杜解側室眾子也

文十二年傳曰趙有側室曰穿又漢書賈誼傳非有

側室之勢應劭曰禮卿大夫之支子爲側室

側出子 唐王珙傳婢妾所生也

次子

中子 史記伯夷列傳國人立其中子

次男 隋舍利塔銘楊繼宗之次子稱次男

次息 見長子稱冢息注

第二庶息 文選任昉奏彈劉整寅第二庶息師利

少子

少子 國策丈夫亦愛憐少子乎

少兒 方言少兒泣而不止曰咍注少兒猶言小兒

季 詩陟岵母曰嗟予季行役傳季少子也 白虎通

姓名季者幼也

阿小 唐雁門郡解府君嗣子忠信次子少遷次子少恭次子少璘次子少儀次阿小阿小乃是最幼之子也

雙生子

孿子 呂氏春秋疑似篇云夫孿子之相似者其母常識之字亦作孿衆經音義引倉頡篇云孿一生兩子也

贅孳 鏈子 孿生 楊子方言陳楚之間凡人豨乳而雙產謂之贅孳秦晉之間謂之鏈子自關而東趙

魏之閒謂之孿生

承繼子

所子 漢書宣帝紀封賀所子師古曰所子者言養弟
子以爲子

養子

養子 後漢書順帝紀初聽中官得以養子爲後世襲
封爵 宋史岳雲飛養子年十一從張憲戰多得其
力軍中呼羸官人

外子 梁師成爲東坡外子

贅子 前漢嚴助傳注令子出就婦家爲贅婿曰贅子
漢書如淳注淮南俗賣子與人作奴婢名爲贅子三
年不能贖遂爲奴婢

假子 世說注何晏父早亡魏武爲司空時納晏母並
寵其子常謂晏爲假子又唐內侍李輔光墓誌稱有
假子數十人 獻帝春秋隨母男曰假子

售子 留青新集隨母改適曰售子售賣也猶以此身
賣於他人也

義兒 五代史義兒傳唐起代北其所俱皆雄武之士

往往養以爲兒號義兒軍

義男 困學紀聞鍾紹京爲宰相而稱義男於揚思勛
之父

螟蛉 野客叢書今呼非生之子曰螟蛉觀南史宋明
帝負螟之慶言廢帝非所生也知此說由來久矣

寄養子

客兒 鍾嶸詩品靈運生於會稽旬日而謝幼度亡其
家以子孫難得送靈運於杜治養之十五方還故名
客兒

微子 十國春秋注杜荀鶴牧之微子也牧有妾懷孕
出嫁長林鄉正杜筠而生荀鶴

已亡子

亡兒 晉書羊祜傳祜五歲合乳母取所弄金環母曰
汝無此物祜卽詣鄰人李氏東垣桑林中探得之主
人驚曰此吾亡兒所失物蓋祜前身卽李氏子也

孤子

孤子 管子民生而無父母謂之孤子曲禮孤子當室
注孤子謂年未三十者 雜記上孤子須矣疏孤謂

嗣子也此又一解

哀子 孝子 禮雜記祭稱孝子孝孫喪稱哀子哀孫

棘人 詩庶見素冠兮棘人欒欒兮

熒子 前燕錄孤孫熒子十室而九

孤孩 寡婦賦愁煩冤其誰告兮提孤孩於坐側

遺腹子 後漢書鄭康成傳康成惟有一子益恩孔融

在北海舉爲孝廉及融爲黃巾所圍益恩赴難隕身

有遺腹子康成以其手文似已名之曰小同 史記

李廣傳李當戶有遺腹子名陵注當戶李廣長子

淮南子說林訓遺腹子不思其父無貌於心也不夢
見像無形於目也

後母稱子

前男 唐處士包公夫人墓誌銘撫育前男恩通已子
蓋夫人爲包公繼室也

方言稱子

崽 水經注弱年崽子正字通崽囡音義通湘漢之間
凡言是子是謂之崽若東齊言子矣 廣雅崽子也
方言崽子聲之轉也

囷 天中記閩人呼子曰囷亦見青箱雜記 顧況囷

詩哀閩囷也 陸游詩阿囷略知郎罷老

盭 菽園雜記廣東謂老人所生幼子曰盭

珠兒 述異記越俗以珠爲上寶生女謂之珠娘生男

謂之珠兒

孤屠 後漢南匈奴傳諸子爲孤屠亦作塗

了加 花箋錄高麗國方言父呼其子曰了加孫曰了

寸了姐

女

女子子

禮記曲禮姑姊妹女子子已嫁而反

顧炎

武曰女子子謂已所生之子若兄弟之子別於男子也古人謂其女亦曰子詩曰齊侯之子衛侯之妻論語曰以其子妻之是也喪服小記言女子子在室爲父母杖然則女子子爲已生之子明矣 儀禮喪服大功章姑姊妹女子子適人者

弱女

陶詩弱女雖非男慰情聊勝無

穉女

梅堯臣詩穉女扳簾笑嬌妃

細娘

彭汝礪詩有女天天稱細娘

門楣 山堂肆考唐元宗寵楊妃時人謠諺有曰男不封侯女作妃君看女卻是門楣

小茶 元好問詩牙牙嬌女總堪誇學念新詩似小茶
注唐人以茶爲小女美稱

小娘子 韓愈祭女孥文稱小娘子 歐陽修與連元禮簡承賢郎小娘子見過有佳兒女如此朋友當共慶也 翟顥通俗編云夢梁錄載杭人議親帖子開寫第幾位娘子蓋當時女子在母家卽稱娘子故集韻訓娘爲少女北齊書有耳順尙稱娘子之誦

對人自稱女

息女 史記高祖紀呂公曰臣有息女願爲季箕帚妾

漢書注云息生也言已所生之女 魏故懷令李君

墓誌銘息女孟宜息女媛姿息女仲妃息女然顏息
女四輝凡五見此息女之載於碑版者

家妹 顏氏家訓蔡邕書集呼女爲家妹

長女

長女 長子 詩大明長子維行傳長子長女也

大女 列女傳郟陽友娣傳季兒乃告其大女曰汝父

殺吾兄義不可以留又終不復嫁矣去汝而死善視
汝兩弟

適 左昭三年傳齊侯使晏嬰請繼室於晉曰則猶有
先君之適及遺姑姊妹若而人君若不棄敝邑而辱
使董振擇之以備嬪嬙寡人之望也杜注適夫人之
女 案適嫡古通

首女 魏曹植金瓠哀辭序曰子之首女雖未知能言
固已授色而知心矣則首女蓋長女之稱也曹植又
有行女哀辭行女生於季秋而終於前夏三年之中

一子頻喪則行女蓋其次女之稱也

少女

行女 次女 見上注

少女 史記漢文帝紀齊太倉令淳于公有罪當刑無
男少女緹縈上書救父

季女 詩有齊季女又季女斯飢 潘岳京陵公主女
王氏哀辭猗歟公子季女惟王

娣 易歸妹歸妹以娣注少女之稱也

嬰 見上子稱兒注

室女

處子 孟子踰東家牆而摟其處子趙注處子處女也
莊子逍遙遊綽約若處子釋文引司馬云處子在室
女也 潘岳射雉賦來若處子 案此皆指女言然
亦有以稱男子者潛夫論使處子雖荀顏閔之賢又
云此處子所以不能與官人競者也後漢書逸民傳
論處子耿介束皙補亡詩堂堂處子是也

處女 時女 莊子逍遙遊篇是其言也猶時女也釋
文引司馬云時女猶處女也向云時女虛靜柔順和

而不暄未嘗求人而爲人所求也

巫兒 漢書地理志今國中民家長女不得嫁名曰巫兒爲家主祀

適人女

之子 詩之子于歸

嫁子 方言女謂之嫁子注嫁子言往適人

方言稱女

媮 方言吳人謂女曰媮釋名云青徐州呼女曰媮媮忤也女始生人意不喜忤忤然也

珠娘 見上子稱珠兒注 閩小記福州呼女亦曰珠娘

阿嬌 輟耕錄關中以兒女爲阿嬌

奧姑 遼史公主表契丹故俗凡婚燕之禮推女子之可尊敬者坐之奧謂之奧姑

孫

子姓 儀禮特牲饋食禮子姓兄弟如主人服注云言子姓者子之所生又禮記喪大記疏子姓謂孫也又詩周南振振公姓楚語率其子姓從其時享蓋孫謂

之子姓也 禮玉藻注姓生也孫是子之所生故謂
之子姓今有稱子姪輩曰子姓是猶未之考耳

小晚生 見上子稱晚生注

孫息 黃庭堅寄老菴賦寄吾老於孫息 元好問挽

趙參謀詩高門有孫息

孫枝 白居易詩梧桐老去長生枝

文孫 書立政繼自今文子文孫稱文孫本此
了寸 見上子稱了加注

祖稱孫

孫兒 牛僧孺詩歡喜見孫兒 朱子詩老翁無物與

孫兒

小嬌孫 白居易詩慵困無一事時弄小嬌孫

家孫 香祖筆記漢侯霸子孫稱祖父曰家公陳思王

稱父曰家父母曰家母潘尼稱祖曰家祖蔡邕書文

稱姑女曰家姑家姊班固書集曰家孫顏氏家訓姑

姊妹已嫁則以夫氏稱之在室以次第稱之言禮成

他族不得云家也子孫不得稱家者輕略之也此說

與班蔡所稱不同矣

稱人之孫

貴孫 郊溪漫筆孫權稱顧雍曰貴孫

長孫

元孫 漢司隸校尉楊淮碑及其弟弼俱大司隸孟文
之元孫葉九苞金石文補謂長孫也見金石粹編

適孫 承重孫 儀禮喪服期服章適孫賈疏此謂適

子死其適孫承重者祖爲之期 穀梁傳尹氏立王

子朝疏繼無承重宜擇立其次 朱子家禮有喪主

注謂死者長子無則長孫承重者專奉飲奠 毛奇

齡曰古無承重之稱惟喪服傳有傳重受重諸字而
其所謂重則又單指爵位言謂祖父以爵位授之於
我是傳我以重物也而我從受之是重物爲我所受
也其所付託者雖指爵位而必假之以宗廟之名曰
主鬯甚重傳受匪輕故謂之重非如今世所云三年
重服子死未服孫必承而服之也蓋古有承重之稱
謂其承大宗之重非專指喪服也

庶孫

庶孫 儀禮喪服大功章庶孫賈疏庶孫從父而服祖

期故祖從子而服孫大功降一等

已孤之孫

愍孫 宋書袁粲傳祖母哀其幼孤名之曰愍孫

哀孫 禮雜記喪稱哀子哀孫

遠孫

曾孫 爾雅孫之子爲曾孫 釋名曾孫義如曾祖也

畢沅曰言亦取曾益之意 案曾孫又爲自孫以下

之統稱周頌曾孫篤之鄭箋曾由重也自孫以下事

先祖皆稱曾孫孔疏自曾孫以下皆得稱曾左傳曾

孫蒯贖敢昭告皇祖文王烈祖康叔是雖歷多世亦稱曾孫也 豫州從事尹宙碑會稽太守之曾是曾孫亦可單稱曾也

玄孫 爾雅曾孫之子爲玄孫注玄者言親屬微昧也釋名玄孫玄懸也上懸於高祖最在下也 豫州從事尹宙碑東平相之玄又劉熊碑光武皇帝之玄皆以玄孫而單稱玄也 又顏真卿集杭州錢塘縣丞殷府君夫人碑云君北齊黃門侍郎之推府君之玄皇朝秦王記室魯府君之曾皆用漢碑之例耳

來孫 爾雅元孫之子爲來孫注言有往來之親 釋名此在無服之立其意疎遠呼之乃來也

昆孫 爾雅來孫之子爲昆孫注昆後也汲冢竹書曰

不啻之昆孫謂毀榆也釋名昆貫也恩義轉遠以禮貫連

之耳 案昆孫又爲遠孫之統稱昭十六年傳云孔張君之昆孫孔張爲鄭穆公之曾孫今云昆孫是遠孫俱得稱昆孫矣

仍孫 爾雅昆孫之子爲仍孫 釋名以禮仍有之耳 恩意貫遠也 頻羅菴遺集云太玄經九屬逆推而

和言金 卷一
三一
上一爲玄孫二爲曾孫三爲仍孫四爲子則是又以
仍孫爲孫也

耳孫 爾雅疏仍孫或作耳孫漢書注應劭云言去高
曾益遠但耳聞之也晉灼云耳孫玄孫之曾孫也師
古云仍耳聲相近蓋一號也

雲孫 爾雅仍孫之子爲雲孫注言輕遠如浮雲

曾曾小子 說文解字敘注云曾曾猶俗言層層也曾
重也古者裔孫通曰曾孫

孝孫 詩孝孫有慶 禮雜記祭稱孝孫

家孫 顏氏家訓子孫不得稱家者輕略之也班固書
集云家孫今不行也

苗裔 苗 離騷帝高陽之苗裔朱子注云苗者草之
莖葉根所生也裔者衣裾之末衣之餘也故以爲遠
末子孫之稱 案左氏昭二十九年傳注玄孫之後
稱苗裔又案苗裔亦有祇稱苗者漢廣漢屬國侯李
翊碑其先出自箕子之苗衛尉衡方碑肇先蓋堯之
苗漢故國三老袁君碑厥先舜苗苗迨後則多稱苗裔
矣

系孫 舊唐書柳宗元傳宗元後魏侍中濟陰公之系
孫

玄玄孫 隸釋帝堯碑云故濟陰太守劉邵字季承漁
陽泉州人也自以體別枝布堯之裔胄稱玄玄孫以
敘嘉敬

史韓侂胄既逐趙忠定太學生敖
壁曰九原若遇韓忠獻休說渠家

末代孫

稱謂錄卷七

福州梁章鉅撰

男恭辰校刊

夫之父母總稱

舅姑 儀禮期服章婦爲舅姑

尊章 姑章 姑嫜 漢書廣川王傳背尊章師古曰

尊章猶言舅姑韓愈扶風郡夫人墓誌銘協於尊章

案章或作嫜亦作姑嫜 陳琳詩善侍新姑嫜

杜甫詩妾身未分明何以拜姑嫜 蘇轍詩上事姑

嫜旁兄弟嫜章同

家老 淮南子家老異飯而食殊器而享子婦跪而上堂跪而斟酒是子婦對舅姑言爲家老

公婆 字典方俗稱舅姑曰公婆廣西徭俗則男子老者一寨呼之曰婆其老婦呼之曰公

夫之父

舅 爾雅婦稱夫之父曰舅邢疏舅者舊也 白虎通尊如父而非父者舅也

君舅 爾雅舅姑在則曰君舅君姑沒則曰先舅先姑君列女傳我無樊衛二姬之行故君以責我 案此

婦人稱其舅曰君

若公 淮南子汜論訓宋人有嫁子者告其子曰嫁未必成也有如出不可不私藏私藏而富其於以復嫁易其子聽父之計竊而藏之若公知其盜也逐而去之 案韓非子與此文略同惟若公作君公

公 妘 劉熙釋名俗謂舅曰章又曰妘一切經音義引作俗謂舅章爲公 顏師古漢書注關中呼夫之父曰妘 呂覽姑妘知之曰爲我婦而有外心注妘卽翁也音鍾 案公妘古通用

丈人公 家訓書證篇古樂府歌辭先及三子次及三
婦婦是對舅姑之稱其末章云丈人且安坐調絃俱
未央古者子婦供事舅姑旦夕在側與兒女無異故
有此言又疑丈當爲大云云 海錄碎事婦呼舅爲
大人公

官 馬令南唐書翁媪怒曰自家官白家家何用多拜
耶注云浙謂舅爲官謂姑爲家 野客叢書吳人稱
翁曰官稱姑曰家

鍾 漢書廣川惠王越傳背尊章嫖以忽注今關中俗

婦呼舅爲鍾鍾者章聲之轉也

夫之父沒

皇舅 儀禮士昏禮舅姑既沒婦人三月奠菜祝辭曰
敢奠嘉菜於皇舅某子敢告於皇姑某氏鄭注皇君
也 案此卽爾雅之君舅君姑既沒而變其文耳

先舅 見上君舅注

先子 國語魯語吾聞諸先姑又聞之先子 案先子
指先舅季悼子也

夫之母

姑 爾雅婦稱夫之母曰姑邢疏姑者故也 白虎通

親如母而非母者姑也

君姑 見上君舅注

威姑 爾雅疏姑又謂之威 說文威姑也徐鍇曰土

盛於戊土陰之主也故字從戊漢律婦告威姑是也

爾雅姑謂之威王念孫疏證曰威姑卽爾雅所謂君

姑也君與威古聲相近說文君从艸君聲讀若威是

其例也 字典婦稱姑爲威姑管子稱父爲嚴君也

嚴姑 白居易詩六郡事嚴姑

慈姑 謝莊文慈姑兮垂矜

阿姑 顏氏家訓婦人之性率寵子壻而虐兒婦諺云
落索阿姑淦此其相報也

阿家 北史齊文宣以姪女樂安公主妻崔達孛嘗問
公主達孛於汝云何答云甚相敬惟阿家憎兒文宣
乃殺其母又南史范蔚宗臨刑其妻罵之曰君不爲
百歲阿家作計蔚宗母泣責蔚宗仍以手擊其頸蔚
宗妻曰罪人阿家莫念

大家 因話錄商部崔吏部樞夫人太尉西平王女也

西平生日中堂大宴方食有小婢附崔氏婦耳語久之崔氏婦頷之而去有頃復至王問曰何事女對曰大家昨夜小不安適使人往候王擲筯怒曰我不幸有此女大奇事汝爲人婦豈有大家體候不安不檢校湯藥而與父作生日

家 見夫之父稱官注

夫之母沒

皇姑 禮記曾子問不祔于皇姑又見皇舅注

先姑 晉書謝安銘余惟嗣朕先姑 國語吾聞諸先姑

又見上先舅注

先姑氏 韓愈監察御史元君妻京兆韋氏夫人墓誌
銘及得其良夫又受教於先姑氏

夫之繼母

繼姑 漢李翊夫人碑繼姑入室勤養拳拳見碑版廣
例

夫之庶母

少姑 爾雅夫之庶母爲少姑

夫之兄

兄公 妘 爾雅夫之兄爲兄公郭注今俗呼兄鍾語
之轉耳 案兄公之公陸德明釋文作妘宋本作公
據禮記孔疏云俗本女旁置公轉誤也又引皇侃云
婦人謂夫之兄爲公者須公平尊稱也集韻妘音鍾
夫之兄也蓋據釋文言之

兄章 兄佶 釋名夫之兄俗閒曰兄章章灼也灼灼
敬奉之也又曰兄佶是已所敬忌見之怔忡自肅齊
也 案佶亦卽妘字之異文耳怔忡一切經音義引
作忡遽又引作忡懼亦與此文異義同

兄嫜 韻會夫之兄曰夫嫜此嫜字多一女旁兩存之
以備參考或作倻

伯 五代史補李濤弟澣娶婦竇氏出參濤濤答拜澣
曰新婦參阿伯豈有答禮 容齋隨筆陳恭公以曾
公亮除天章閣待制陳之弟婦曾出也陳語之曰六
新婦曾三做從官想甚喜應聲對曰三舅荷伯伯提
攜極喜 案婦稱夫兄爲伯不見於經典然以爾雅
稱夫弟爲叔例之則夫兄亦可爲伯耳

兄伯 頻羅菴遺集云容齋三筆中有一則云容齋使

金辟景孫弟輔行弟婦在家作青詞云頃因兄伯出使夫婿從行蓋借用陳平傳兄伯之語而自不以爲然改用爾雅兄公云云然二字旣經宋人造語亦可以備一典

夫之兄妻

姆姆 呂祖謙紫薇雜記呂氏母母受媵房婢拜媵見母母房婢拜卽答今俗兄婦呼弟妻爲媵媵弟婦呼兄妻爲姆姆卽母母也

夫之弟

叔 小叔 爾雅夫之弟爲叔 釋名叔少也幼者稱也叔亦俶也見嫂俶然卻步也 史記蘇秦見季子位高金多譙周曰蘇秦字季子索隱云案其嫂呼小叔爲季耳未必卽其字

長叔 左昭二十八年傳伯石始生子容之母走謁諸姑曰長叔姒生男孔疏子容是伯華之子其兄弟伯華最長叔向次之其餘諸弟皆小於叔向也故謂叔向爲長叔

小郎 晉書謝道韞爲小郎解圍又王衍妻郭氏謂王

澄曰昔先人臨終以小郎屬新婦不以新婦屬小郎
叔郎 文選任昉奏彈劉整謹案齊故內史劉寅妻訴
列稱出適劉氏二十許年劉氏喪亡撫養孤弱叔郎
整恆欲傷害侵奪 案海錄碎事引任彥升彈文叔
郎小郎也

夫之弟妻

媻媻 見兄妻稱媻媻注

夫之姊

女公 爾雅夫之姊爲女公

女媖 禮記昏義疏女媖謂壻之姊也 案媖卽公之

俗字

夫之妹

女妹 爾雅夫之女弟爲女妹注今謂之女妹是也錢
大昕曰女妹恐是女叔之誤若經本作女妹則爾雅
注云云無謂臧鏞曰夫之兄爲公故其姊爲女公弟
爲叔故其妹爲女叔梁玉繩曰夫之妹稱女妹亦稱
女叔不可謂誤 案漢書薛宣傳女敬武公主怒元
后曰嫂何與取妹後漢書曹大家女誠屢言叔妹嫂

妹女妹豈得並指爲誤文耶後漢書列女傳昭女妹
曹豐生注昭婿之妹也

女叔 禮記昏義疏女叔謂婿之妹也 表異錄小姑

曰女媧亦曰女叔

妹 說文妹夫之女弟也徐鍇曰曹大家女誠所謂媧
妹也

叔妹 後漢書曹世叔妻傳婦人之得意於夫主山舅
姑之愛已也舅姑之愛已由叔妹之譽已也

小姑 王建新嫁娘詩未諳姑食性先遣小姑嘗 古

樂府焦仲卿妻詞云卻與小姑別淚落連珠子 願
况棄婦詞回頭語小姑莫嫁如兄夫 案婦謂夫之
妹曰小姑

夫之姊妹之夫

姑夫 因話錄商部范陽虛仲元妻崔氏兄得金一瓶
密埋室內臨終戒其妻李氏云慎勿言於人他日盧
郎中來可告也未幾盧經洛中弔崔氏之孤訖李使
婢傳語曰新婦有哀迫之事須面見姑夫

妻之父

外舅 爾雅妻之父爲外舅 釋名言妻從外來謂至
已家爲婦故反以此義稱之夫妻匹敵之義也

孟子帝館甥於貳室注禮謂妻父曰外舅 案汪氏
堯峰曰男子謂妻父曰外舅母曰外姑蓋彼以我父
爲舅我亦從而舅之懼其同於母黨也故別曰外舅
彼以我母爲姑我亦從而姑之懼其同於父黨也故
別曰外姑

舅 禮記坊記壻親迎見於舅姑鄭注舅姑妻之父母
也 三國蜀志先主傳獻帝舅車騎將軍董承裴松

之注董承於獻帝爲丈人也古無丈人之名故謂之舅

妻父 宋史張詠傳有民家子與姊婿訟家財婿曰妻父臨終此子三歲有遺書令異日以十之三與子餘七與婿詠曰汝妻父智人也以子幼故託汝亟命以其七貽子餘三貽婿人服其明斷

婦父 世說太傅謝安王國寶婦父也

婦公 後漢書第五倫傳光武戲謂倫曰聞卿爲吏笮婦公有之耶倫對曰臣三娶妻皆無父 晉書衛玠

傅玠妻父樂廣有海內重名議者以爲婦公冰清女
婿玉潤

婦翁 魏志太祖紀伯玉三娶孤女謂之搗婦翁

丈人 唐書杜黃裳之婿韋執誼爲相黃裳勸其請太
子監國執誼曰丈人甫得一官奈何啟口議禁中事
柳宗元與楊京兆憑書云再拜獻書丈人座前又祭
楊憑詹事文云昭祭於丈人之靈

岳丈 陔餘叢考婦翁曰岳丈其說不一或曰晉樂廣
爲衛玠妻父岳丈蓋樂丈之訛釋常談則曰因泰山

有丈人峰故也 案泰山有丈人峰而玉匱經青城山黃帝亦封爲五岳丈人世俗以婦翁有丈人之稱而丈人又有山岳之典遂引以爲美稱耳晁氏客語引開元十三年封禪泰山三公以下例遷一階張說爲封禪使其壻鄭鑑自九品驟至五品會大宴明皇訝之黃幡綽曰泰山之力也因此以丈人爲泰山然則唐時已有泰山及岳丈之稱矣又黃潛筆記謂漢郊祀志大山川有嶽山小山川有嶽壻山嶽而有壻則嶽可以稱婦翁矣世俗之稱未必不因此又因山

嶽而轉爲泰山耳

父娒 方言南楚滌淮之間稱父考曰父娒 廣雅妻
之父謂之父娒注娒音多

外父 潛居錄馮布贅於孫氏其外父有煩惱事輒曰
俾布代之

冰叟 蘇軾次王郎韻慶生日詩媿從冰叟來游宦

冰翁 游宦紀聞又二里有亭曰輔龍乃先兄之冰翁

董煇字季興所創向爲瑞安邑大夫 案煇字乃煇
字之誤葉水心集及郡邑志皆作煇又見卷六亦云

先兄岳翁

婚 爾雅婿之父爲姻婦之父爲婚

妻之母

外姑 爾雅妻之母爲外姑 李商隱有爲外姑隴西
郡君祭張氏女文

姑 禮坊記見上妻之父稱舅注

母娒 方言南楚瀑涯之間謂父妣曰母娒 廣雅妻
之母謂之母娒王念孫曰說文江淮之間謂母爲媢
媢與娒聲義相通

岳母 漫笑錄毘陵有成郎貌不揚岳母陋之曰我女
如生菩薩乃嫁一麻胡命成作詩乃操筆大書云一
麻兩好世閒無好女如何得好夫高捲珠簾明點燭
試教菩薩看麻胡

丈母 猗覺寮雜記今專稱外姑曰丈母柳子厚有祭
楊詹事丈人獨孤氏丈母文則知唐已如此 六硯
齋二筆趙子昂有與管公札云上覆丈人節幹丈母
縣君 恆言錄顏氏家訓云中外丈人之婦猥俗呼
爲丈母士大夫謂之王母謝母是凡丈人行之婦並

稱丈母也通鑑韓滉謂劉元佐曰丈母垂白不可更帥諸婦女往填宮也注峴與元佐結爲兄弟視其父爲丈人行故呼其母爲丈母也今則惟以妻母爲丈母矣

秦水 合璧事類俗呼妻母爲泰山此何義耶 案此卽因妻父之爲泰山而推之知此稱宋時已然耳

妻之伯叔

列嶽 合璧事類青城山爲五嶽之長今名丈人山今世俗呼人婦翁爲合嶽妻之伯叔爲列嶽

叔丈人 任淵黃山谷詩注王慶源爲東坡叔丈人

妻之兄弟

舅 新唐詩朱延壽傳楊行密妻延壽姊也行密曰得

舅代我無憂矣

通鑑二百六十四卷作三舅

五代史四夷附錄

蕭翰之妹嫁德光契丹呼翰爲國舅 元史忠義傳

桂完澤與其妻弟金德爲賊所執完澤呼曰金舅舅

子漢卽死不可聽賊 恆言錄云案釋親姊妹之夫

爲甥妻之兄弟爲甥謂我舅者吾謂之甥旣互稱甥

亦可互稱舅矣乃後世妻之兄弟獨得舅名蓋從其

子女之稱遂相沿不覺耳晉人每稱婿爲郎世俗因有郎舅之語諺云至親莫如郎舅

內兄 杜牧詩應笑內兄年六十 梁書韋叡傳叡內

兄王澄

內弟 家廟碑祖昭甫工書與內弟殷仲容齊名謂妻

弟

唐殷府君夫人碑內弟曜卿允南

婦兄 北齊書崔昂傳婦兄妹夫俱省罪過

婦弟 世說注和嶠婦弟王濟 北齊書鄭元禮傳但

知妹夫疏於婦弟

妻兄 史記孔子世家子路妻兄顏濁鄒案卽左傳之
顏涿聚事見哀公二十四年

親客 避暑漫鈔秦會之有十客王會以婦弟爲親客
甥 外甥 爾雅妻之昆弟爲甥 釋名釋親屬妻之
兄弟曰外甥其姊妹女也來歸已內爲妻故其男爲
異姓之甥

婚兄弟 爾雅婦之黨爲婚兄弟

私親兄弟 禮記內則婦若有私親兄弟
妻之兄弟之妻

妻嫂

南史張敬兒徵爲護軍於密室屏人學揖讓答

對空中俯仰妾侍竊窺笑焉將拜三司謂其妻嫂曰
我拜後府開黃閣因口自爲鼓吹聲 案近通稱曰

舅嫂

妻之兄弟之子女

姪

爾雅妻黨女子謂舅弟之子爲姪鄭樵注左傳曰

姪其從姑今男子謂舅弟之子亦然據古人謂兄弟
之子其男子爲子其女子爲姪故姪之字從女此本
義也後人訛則通謂姪 禮曲禮下大夫不名世臣

姪娣疏姪是妻之兒女 國語周語則我皇妣太姜
之姪注女子謂兄弟之子女皆曰姪 案字典妻
之兄弟之子妻稱之亦曰姪今所謂內姪也據此則
內姪之稱亦從俗也如內姑丈內表弟之類

舅子 北史外戚傳開皇初濟南郡上有男子呂永吉
自稱有姑字苦桃嫁爲楊某妻勘驗知是舅子

媵者 儀禮士昏禮媵御餽姑酌之疏古者嫁女必姪
娣從謂之媵者又雖無娣媵先注娣尊姪卑若或無
娣猶先媵客之也 案姪乃妻兄弟之女娣卽其妹

也

妻之兄弟之孫

歸孫 爾雅謂姪之子爲歸孫 儀禮喪服父之姑鄭
注歸孫爲祖父之姊妹服也

妻之姊妹

姨 爾雅妻之姊妹同出爲姨郭注同出謂俱已嫁詩
邢侯之姨又左傳莊十年蔡哀侯娶於陳息侯亦娶
焉息嬀過蔡蔡侯曰吾姨也止而享之又說文妻之
女弟同出爲姨

娣 釋名妻之姊妹爲娣娣弟也言與已妻相長弟也
詩韓弈諸娣從之釋文妻之女弟爲娣

妻妹 魏志桓階傳劉表辟階爲從事祭酒欲妻以妻
妹蔡氏階自陳已結婚拒而不受

內妹 三國魏志夏侯淵傳淵妻太祖內妹

姨妹 劉義慶世說孫秀降晉武帝妻以姨妹 因話

錄商部伯父高陵府君夫人韋氏卽兵部之姨妹也
兵部指兵部員外郎李約

妻之姊妹之夫

亞 爾雅兩婿相謂爲亞注詩曰瑣瑣姻亞 釋名婿相謂爲亞者言每一人取姊一人取妹相亞次也又並來女氏門則姊夫在前妹夫在後亦相亞而相倚其成其禮也

友婿 漢書嚴助傳家貧爲友婿富人所辱師古曰友婿同門之婿也 釋名釋親屬曰友婿者言相親友也

僚婿 爾雅注今江東人呼同門爲僚婿

大姨夫 小姨夫 合璧事類歐陽修與王拱辰同爲

薛簡肅公壻文忠先取其長女王取其後文忠再取其妹故有舊女壻爲新女壻大姨夫作小姨夫之句

連袂

連袂

連襟

馬永卿嬾真子江東人呼爲僚

婿北人呼連袂又呼連袂袂袂袂袂同亦呼連襟 容齋

三筆從兄在泉幕淮東使者其友壻也發京狀薦之爲作謝啟云襟袂相連夙愧末親之孤陋雲泥懸望分無通貴之哀憐皆用杜詩上句乃用李十五丈云孤陋忝親末等級堪比肩人生意氣合相與襟袂連

此事適著題而與前送韋書記詩句偶可整齊用之
是宋人已有此稱也 能改齊漫錄李參政昌齡家
女多得貴婿參政范公仲淹樞副鄭公戩皆用小官
布衣選配爲連袂

妻之兄弟之女之夫

上下同門 因話錄商部姑之婿與姪之婿謂之上下
同門

妻之姊妹之子

妻孫 梁書裴邃傳其妻甥王篆之密啟高祖云裴邃

多大言有不臣之節由是左遷始安太守汪師韓曰
妻甥者妻姊妹之子也

妾之兄弟

私兄弟 儀禮喪服記凡妾爲私兄弟如邦人鄭注私
兄弟目其族親也敖氏曰經正言妾之服其私親者
惟有爲父母一條又案惟諸侯夫人天皇后則不爲
兄弟服耳天子諸侯之妾亦未必爲兄弟服

小妻弟 小婦弟 漢書谷永傳注如淳曰王鳳上小

妻弟以納后宮以嘗字乳王章言之坐死 蜀志馬

超傳初超未反時其小婦弟种留二輔